

Na osnovu člana 31. Statuta KJKP "Toplane-Sarajevo" d.o.o. (Broj:OPU-IP-60/2016), Odluke o izmjenama i dopunama Statuta KJKP "Toplane-Sarajevo" d.o.o. (Broj:00-2-V-01/19), Skupština Preduzeća, Odlukom broj: 00-4V-02/19 od 06.08.2019. godine raspisuje

KONKURS

za izbor i imenovanje predsjednika i članova Nadzornog odbora KJKP "Toplane-Sarajevo" d.o.o.

Popunjavaju se upražnjene pozicije za predsjednika i dva člana Nadzornog odbora.

I OPIS POZICIJE

Nadzorni odbor nadležan je da:

1. nadzire poslovanje Preduzeća i usvaja poslovne strategije Preduzeća,
2. predlaže Skupštini donošenje, izmjene i dopune Statuta i Etičkog kodeksa,
3. donosi Poslovnik o radu Nadzornog odbora,
4. donosi opća akta Preduzeća, osim Statuta i Etičkog kodeksa,
5. donosi odluke od strateškog značaja za preduzeće,
6. utvrđuje prijedlog trogodišnjeg, godišnjeg i revidiranog plana poslovanja,
7. usvaja izvještaj Uprave o poslovanju sa finansijskim izvještajima po polugodišnjem i godišnjem obračunu sa bilansom stanja i bilansom uspjeha, a na osnovu prethodno datog mišljenja Odbora za reviziju,
8. podnosi Skupštini godišnji izvještaj o poslovanju Preduzeća sa finansijskim izvještajima, koji obavezno uključuje: izvještaj eksternog revizora, preporuku Odbora za reviziju po finansijskim izvještajima i izvještaju eksternog revizora, izvještaj o radu Nadzornog odbora i Odbora za reviziju,
9. daje mišljenje Skupštini o prijedlogu Uprave za raspodjelu dobiti, a po prethodno datom mišljenju Odbora za reviziju,
10. daje mišljenje Skupštini o prijedlogu Uprave o načinu pokrivanja gubitka u poslovanju, a po prethodno datom mišljenju Odbora za reviziju,
11. utvrđuje prijedlog odluke o izboru kandidata za Odbor za reviziju i dostavlja ga Skupštini na odlučivanje
12. prati provođenje postupka javnih nabavki, u skladu sa važećim propisima,
13. imenuje i razrješava članove Uprave u skladu sa odredbama Statuta,
14. daje ovlaštenja za aktivnosti koje su ograničene Zakonom o javnim preduzećima,
15. daje upute Upravi za provođenje preporuka u vezi sa uočenim nepravilnostima,
16. saziva Skupštinu Preduzeća,
17. nadzire Upravu u provođenju preporuka datih od strane Odbora za reviziju te vanjskog revizora sa specificiranim rokovima,
18. prati poslovanje i zakonitost poslovanja Preduzeća,
19. daje upute organima Preduzeća radi otklanjanja nepravilnosti u radu,
20. prisustvuje sjednicama Skupštine Preduzeća i učestvuje u raspravi bez prava glasa,
21. vrši uvid u poslovne knjige i dokumentaciju Preduzeća,
22. odobrava makro organizaciju preduzeća,
23. utvrđuje prijedlog visine tarifnih stavova cijena centralnog grijanja,
24. utvrđuje prijedlog tarifnog sistema,
25. donosi cjenovnik usluga, osim centralnog grijanja,
26. odobrava strategiju i akcioni plan za borbu protiv korupcije,
27. razmatra mjesečni izvještaj odbora za reviziju kroz njegove izvještaje o mjesečnim sastancima,
28. imenuje predsjednika i članove komisija zavisno o procijenjenim potrebama,

Kantonalno javno komunalno preduzeće za proizvodnju i distribuciju toplote "Toplane-Sarajevo" d.o.o. Sarajevo

Bosna i Hercegovina

71000 Sarajevo

Semira Frašte 22

Telefon: +387 33 45 00 30, 45 00 47

Fax: +387 33 45 05 27

Općinski sud u Sarajevu

MBS: 65-01-0427-12

Broj računa:

3389002208282707-UniCredit Bank dd Sarajevo

1610000007760011-Raiffeisen Bank dd Sarajevo

1540012000333776-Intesa Sanpaolo Banka dd BiH

1401020005562255-Sberbank BH dd

1410010001451867-Bosna Bank International dd Sarajevo

Porezni broj


01632788

Identifikacijski broj

4200353740001

PDVID

200353740001



29. odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine,

30. predlaže Skupštini Preduzeća kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine.

31. vrši druge poslove predviđene zakonom.

Predsjednik Nadzornog odbora predsjedava sjednicama Nadzornog odbora u skladu sa Poslovníkom o radu Nadzornog odbora.

Članovi Nadzornog odbora učestvuju u radu Nadzornog odbora u skladu sa Poslovníkom o radu Nadzornog odbora.

Predsjednik i članovi Nadzornog odbora dužni su u svome radu pridržavati se Zakona o privrednim društvima i drugih pozitivnih zakonskih propisa, Stauta, Etičkog kodeksa Preduzeća i drugih važećih akata iz ove oblasti.

II. MANDAT

Mandat predsjednika i članova Nadzornog odbora traje 4 (četiri) godine, s tim da po isteku perioda od 2 (dvije) godine od dana imenovanja Skupština Preduzeća glasa o njihovom povjerenju.

Lica imenovana za predsjednika i članove Nadzornog odbora će sa Preduzećem zaključiti ugovor o regulisanju svojih prava i obaveza, u skladu sa Odlukom Skupštine Preduzeća broj: 00- 4V-02/16 od 29.11.2016. godine.

Kandidati s kojima se ne stupi u kontakt u roku od 8 (osam) dana od isteka roka za podnošenje prijave neće se uzeti u razmatranje u daljem procesu kandidovanja.

Svi kandidati koji uđu u uži izbor biće pozvani na intervju.

Skupština Preduzeća vrši imenovanje predsjednika i članova Nadzornog odbora, a Uprava Preduzeća će osigurati da se ono javno objavi.

III. USLOVI ZA IMENOVANJE

Svi kandidati, za predsjednika i članove Nadzornog odbora, moraju ispunjavati sljedeće opće i posebne uslove:

III/A OPĆI USLOVI

- da je državljanin BiH,
- da je stariji od 18 godina,
- da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da se na njega ne odnosi član IX.1. Ustava BiH,
- da nema privatni/finansijski interes u KJKP „Toplane-Sarajevo“ d.o.o.,
- da nije osuđivan za krivično djelo i prekršaj nespojiv sa dužnošću u nadzornom odboru 5 godina od dana pravosnažnosti presude uključujući vrijeme zatvorske kazne,
- da nije lice kojem je presudom suda zabranjeno obavljanje aktivnosti u nadležnosti Nadzornog odbora,
- da se na njega ne odnose ograničenja iz člana 252 st 1. i 2. Zakona o privrednim društvima,
- da ne postoje druge zakonske smetnje za obavljanje funkcije u Nadzornom odboru.

III/B POSEBNI USLOVI

- da ima visoku stručnu spremu (VSS-240 ECTS bodova), (diploma o stručnom obrazovanju)
- da ima minimum pet godine radnog iskustva u struci (potvrda o radnom iskustvu)



- da je uspješan u obavljanju na ranijim poslovima (preporuka poslodavaca i sl.)
- da ima sposobnost za savjesno, odlučno i odgovorno obavljanje pozicije i sposobnost nepristrasnog donošenja odluka (preporuka poslodavaca)
- da posjeduje stručna i profesionalna znanja iz oblasti komunalnih djelatnosti, što će se utvrditi na osnovu priloženih referenci i putem intervjua
- da ima komunikacijske i organizacijske sposobnosti (intervju)
- da posjeduje znanja i sposobnosti razumijevanja poslovnih izvještaja, poznavanja privrednog prava i ukupnog zakonodavstva iz nadležnosti nadzornog odbora (intervju)
- da ima sposobnost upravljanja finansijskim i ljudskim resursima i naklonjenost timskom radu.(intervju)

IV. POTREBNI DOKUMENTI

Kandidati su dužni uz prijavu, koja sadrži kraću biografiju, adresu stana i kontakt telefon, priložiti slijedeću dokumentaciju:

1. uvjerenje o državljanstvu,
2. izvod iz matične knjige rođenih,
3. CIPS-ovu prijavu (ne starija od 6 mjeseci),
4. diplomu o stručnom obrazovanju,
5. potvrdu o radnom iskustvu,
6. preporuku poslodavca,
7. ovjerenu izjavu o ispunjavanju svih uslova iz tačke III.A.osim alineje 1 i 2.

Svi kandidati koji se prijave na konkurs ravnopravno učestvuju u izboru za sve upražnjene pozicije Nadzornog odbora koje se popunjavaju ovim konkursom.

Kandidat koji prođe izbor, dužan je dostaviti uvjerenje da nije osuđivan za krivično djelo i prekršaj nespojiv sa dužnošću u Nadzornom odboru 5 godina od dana pravosnažnosti presude uključujući vrijeme zatvorske kazne i da nije lice kojem je presudom suda zabranjeno obavljanje aktivnosti u nadležnosti Nadzornog odbora.

Uz prijavu kandidati su dužni dati podatke o ranijim rukovodiocima od kojih se mogu dobiti preporuke ili informacije o kandidatu.

Dokumenti koji se prilažu uz prijavu moraju biti u originalu ili ovjerenoj kopiji.

Prijave sa traženim dokazima dostaviti lično ili poštom na adresu:

KJKP "Toplane-Sarajevo"d.o.o., Sarajevo

Ul. Semira Frašte broj 22

71000 SARAJEVO

(sa naznakom)

PRIJAVA ZA JAVNI KONKURS

(za članove Nadzornog odbora)

- NE OTVARATI -

Nepotpune i neblagovremene prijave neće se uzeti u razmatranje.

Javni konkurs ostaje otvoren 14 dana od dana objavljivanja u Službenim novinama F BiH.

Preduzeće nije obavezno vraćati dokumentaciju dostavljenu uz prijavu.